



**INATSISARTUT**  
KALAALLIT INATSISARTUI  
Naatsumik



*Inatsisartut ataatsimiittarfiat oqaluttarfiup tunuani tuullinnik kusassaatik.*

Inatsisartut Allattoqarfiannit saqqummiunneqartoq  
Juni 2019

Assit: Inatsisartut Allattoqarfiat, allatut ilisimatitsisoqangippat  
130g silk paperimut naqitaq

## INATSISARTUNUT TIKILLUARIT

Inatsisartunut pulaartut Inatsisartut ataatsimiittarfiannik ilimagsaminnit mikinaarsikkajuttarput. Taamalli mikitiginera inuiannut kalaallinut annertuumik pingaarutilinnik aalajangiisoqartarneranut akornutaaneq ajorpoq.

Inatsisartut oqaluttarfiata tunuani iigaq timmissanik kusanartorsuarnik tuullinnik marlunnik Jens Rosingimit marrarmik suliaasunik kusassaateqarpoq. Oqaluttuat malillugit tuullik qaannap ilusilerneqarneranut isumassarsiviusimavoq, tuulliulu amia qajartornermi pinerrarissaatitut aarnguaralugu nassarineqartarsimavoq. Tuullik qassarissuunini pillugu kalaallit akornanni oqallorissuunermit ilisarnaatigitinneqarpoq. Peqatigitillugu timmiaq taanna tappilluinnartuullunilu eqiingasuuqami qoqassiuminaatsuvoq, taamaammallu Inatsisartut oqaluttarfiata tunuaniinnera pissusissamisuunnarpoq.

Pulaartutta Inatsisartuni suleriaaseq, suliffimmilu tassani suliarineqartartut pillugit mappersagaq una aqqutigalugu paasi-saqarluarnissaat neriuutigaarput.

**Inatsisartut Siulittaasoqarfiat**

## INATSISARTUNUT PULAAARNEQ

Kikkut tamarmik Inatsisartut ataatsimiittarfianni oqallinnerut malinnaanissaminut periarfissaqarput. Inatsisartuni oqallinnerit kalaallisut danskisullu malinnaavigineqarsinnaapput (oqalutsinit nutserneqartumik).

Inatsisartut ataatsimiinneranni KNR Inatsisartut ataatsimiittarfiannit TV-kkut toqqaannartumik aallakaatitsisarpoq. Oqallinnerit aamma internetikkut attaveqaatitigut malinnaaffigineqarsinnaapput.

Inatsisartut ataatsimiinnerisa avataatigut ataasinngornermiit tallimangornermut ullut tamaasa nal. 13.00, Inatsisartuni angalaarunneqarnissamik neqerooruteqarpoq. Tamanna pillugu paasissutissat annerusut uani nassaarineqarsinnaapput [inatsisartut.gl/takuniaaneq](https://inatsisartut.gl/takuniaaneq)

## LANDSRÅDINIIT LANDSTINGI AQQUSAARLUGU INATSISARTUNUT

Kalaallit Nunaanni inuunnaat naalakkersueqataanerisa oqalut-tuassartaa kujataani 1862-imi kiisalu avannaani 1863-imi aal-lartippoq, innuttaasut inuuniarnikkut atugaannik pitsanngor-saaniarluni paarsisut pilersinneqarmata. Paarsisut nunatsinni nunap immikkoortuini ataasiakkaani sinnisoqarfittut atuut-tussaasimapput sumiiffinni aqqiangiissutinik inuttullu atuga-risatigut ajornartorsiutinik iluarsiniartartussat.

Den Kongelige Grønlandske Handelip (KGH) inatsisartutigit nakkutigineqanngitsumik aalajangiisuulluinnartumik pissaane-qarluni inissisimanera annikillisarumallugu Kalaallit Nunaanni niuertoruseqarfiit aqunneqarnerat il.il. pillugu inatsisikkut ul-loq 27. maj 1908-meersukkut niuerneq inuiaqatigiillu allatigut ingerlanneqarnerat immikkoortinneqarput. Kalaallit Nunaat al-laffissornikkut immikkoortunut marlunnut avinneqarpoq, aap-paa Asianniit kujammut aappaalu Ilulissaniit avannamut.

Peqatigitillugu Kommunerådit Landsråðdillu marluk pilersin-neqarneqarput. Kommunerådit kommunimi najukkami allaf-

fissornikkut oqartussatut ingerlasussaasut, Landsrå-dit marluusut aappaa Avan-naanut aappaalu Kujataanut nutaaliornerupput suliassa-nik annertunerusunik tun-gaviunerusunillu suliaqar-tartussat.

Landsrådit 1911-mi per-ngaammik ataatsimiipput tamatumalu kingorna ukiu-mut ataasiarlutik naapit-tarput suliassat nunap im-mikkoortuanut atuuffigisa-minnut tunngasut oqallis-giniarlugit Danmarkimilu naalakkersuisunut oqariar-tuuteqarniarlutik, aalaja-ngiinissamulli imatut peri-arfissaqartitaanatik.



Kalaallit Nunaata avannaani - kiisalu Kalaallit Nunaata kujataani Landsrådit pokalii. A. Dragsted, København, 1936. Sølviusut.

Sorsunnersuup kingulliup Kalaallit Nunaata Danmarkimit avis-saarsimaffigisimasaata kingorna inuiaqatigiit kalaallit ineri-ar-torteqqinneqarnissaat pisariaqalersimavoq. Danskit Statsmi-nisteriata Hans Hedtoftep august 1948-mi tikeraarnera G-50 pillugu isumaliutissiisoqarneranik nassataqarpoq, tamatumani Kalaallit Nunaanni nutaamik aqqissuussineq pillugu inatsi-sit nutaat arfineq pingasut siunnersuutigineqarlutik. Taakku ulloq 27. maj 1950-imi akuersissutigineqarnerisa nassataraa Landsrådit marluusut rådimut ataatsimut Nuummi angerlars-i-maffeqartussamut ukiumullu ataasiarluni naapittartussamut kattutsinneqarnerat.

Nutaamik aqqissuussinerup malittuanik angutit arnallu 23-ileereersimasut tamarmik qinersisinnaatitaalerput. Pisin-naatitaaffillu tamanna nutaaq siullermik atorneqarpoq ulloq 29. juni 1951 innuttaasut Landsrådimut ilaasortaatitassamin-rik siullerpaamik qinersimmata. Taamanikkut naalakkersuinik-kut suliniaqatigiiffeqanngilaq, qinigassanngortittullu kisimiil-lutik qinigassanngortillutik.



Landsrådit innuttaasunit qinikkaat suilliit 1951-imi. Landsrådit pokalii marluk nerrivimmi. Asseq: Arktisk Institut



Landsrådit Siulittaasuat Danmarkimi Styrelsimit allaffissornikkut toqqarneqarani Landsrådimut ilaasortanit namminernit qinnerneqartoq siulleq Erling Høegh ulloq 23. maj 1967-imi qinigaavoq.

*Landsrådip Siulittaasua innuttaasunit qinigaq siulleq Erling Høegh. Lars Bror Larsenimit qalipagaq, 1987*

Kalaallit Nunaat Namminersornerulluni Oqartussaanerup 1979-imi eqqunneqarneratigut namminerisamik Naalakkersuisoqarlerpoq, danskisut Landsstyret, taamaalillunilu suliassa qarfinni tamangajanni nammineerluni inatsisiliorsinnaalerlunilu ingerlatsisinnaalerluni. Peqatigitillugu taaguut Landsrådi Inatsisartunngortillugu allangortinneqarpoq. Namminersornerulluni Oqartussaanerup ukiuini siullerni Inatsisartut Siulittaasuat aamma Naalakkersuisunut Siulittaasuvoq. Tamanna aatsaat 1988-imi,



*Namminersornerulluni Oqartussaaneq pillugu inatsit Dronningimit Landsrådip Siulittaasuanut tunniunneqartoq ulloq 1. maj 1979. Bodil Kaalundimit qalipagaq, 1989*

Inatsisartut Naalakkersuisullu immikkut Siulittaasoqalermata allangortinneqarpoq, tamatumani inatsisiliortussaataasut atuutsisitsussaataasullu ingerlatsinerinut killiliussat avissartinneqarmata.

Namminersorluni Oqartussaanerup ulloq 21. juni 2009-mi eqqunneqarneratigut imminut oqartussaaffigineq annertusaqqinneqarpoq, oqartussaaffiit amerlanerusut tiguneqarnerat tamatuma nassataraa. Suliassa qarfiit ikitsunnguit kisimik ilanngunneqanngillat. Tamanna ilaatigut inatsisit atortinneqarnerannut-, illersornissaqarfimmut- kiisalu aningaasaqarnermut suliassa qarfinnut atuuppoq. Peqatigitillugu Kalaallit Nunaanni Namminersorneq pillugu inatsisikkut taaguut "Inatsisartut" pisortatigoortumik taaguutinngortinneqarpoq, aamma danskisut.



*Namminersorneq pillugu inatsit ulloq 21. juni 2009-mi tunniunneqartoq. Assilliisoq: Leiff Josefsen*

## INATSISARTUT SIULITTAASUI

- 1979-88 Jonathan Motzfeldt (Siumut)
- 1989-91 Lars Chemnitz (Atassut)
- 1991-95 Bendt Frederiksen (Siumut)
- 1995-97 Knud Sørensen (Atassut)
- 1997 Jonathan Motzfeldt (Siumut)
- 1997-99 Anders Andreasen (Siumut)
- 1999 Johan Lund Olsen (Inuit Ataqatigiit)
- 1999-2000 Ole Lyngø (Inuit Ataqatigiit)
- 2001 Anders Andreasen (Siumut)
- 2001-02 Daniel Skifte (Atassut)
- 2002-08 Jonathan Motzfeldt (Siumut)
- 2008-09 Ruth Heilmann (Siumut)
- 2009-13 Josef Motzfeldt (Inuit Ataqatigiit)
- 2013-18 Lars-Emil Johansen (Siumut)
- 2018 Hans Enoksen (Partii Naleraq)
- 2018-imiit Vivian Motzfeldt (Siumut)



Bror Larsenimut qalipagaq, 1986

Jonathan Motzfeldt



Bror Larsenimut qalipagaq, 1986

Lars Chemnitz



Hans Bergimut qalipagaq, 1999

Bendt Frederiksen



Tikkilii Pierturssonimut qalipagaq, 2002

Knud Sørensen



Tikkilii Pierturssonimut qalipagaq, 2003

Anders Andreasen



Tikkilii Pierturssonimut qalipagaq, 2003

Johan Lund Olsen



Tikkilii Pierturssonimut qalipagaq, 2003

Ole Lyngø



Tikkilii Pierturssonimut qalipagaq, 2009

Daniel Skifte



Ruth Heilmann



Josef Motzfeldt



Lars-Emil Johansen



Hans Enoksen



Vivian Motzfeldt

## INATSISARTUT NAALAKKERSUISULLU

### - tamat oqartussaaqataanerinek aaqqissuussinerup toqqammavia

Taaguut "Inatsisartut" isumaqarpoq "Inatsiosiliortut". Inatsisartut Kalaallit Nunaanni Inatsisartuupput. Taaguut "Naalakkersuisut" isumaqarpoq "Aalajangiisuusut". Naalakkersuisut Kalaallit nunaanni Naalakkersuisuupput. Inatsisartut Naalakkersuisullu tamarmik Namminersorlutik Oqartussanut ilaapput.

Nunami inatsisit akuersissutiginnisaat, Naalakkersuisunik nakutiginninneq Siulittaasuannillu qinersineq kiisalu Aningaasanut Inatsimmik suliarinninneq Inatsisartut pingaarnertut suliassaraat.

Taamaalilluni Inatsisartut suliassaat tassaavoq inatsisiliorneq, inatsisinillu atuutsilersitsineq Naalakkersuisut suliassaraat. Inatsisartut ataatsimut isigalugit "Naalakkersuisunut sulisitsisuupput".

Taamaalilluni tamat oqartussaaqataanerannik aaqqissuussineq Inatsisartut Naalakkersuisullu akornanni akisussaaffimmik pissaanermillu agguataarinnemik tunngaveqarpoq. Naalakkersuisut Siulittaasuat Inatsisartunit qinerneqartarpoq. Taamatuttaaq Naalakkersuisut Naalakkersuisut Siulittaasuannit katiterneqartut Inatsisartunit akuersissutigineqartussaapput. Inatsisartut Naalakkersuisunik tamarmiusunik ilaasortanilluunniit ataasiakkaanik naammagisimaarinninngikkunik Naalakkersuisunik tamarmiusunik ilaasortaannilluunniit pineqartunik soraarsitsisinnaapput. Taamalli pisoqartillugu Naalakkersuisut Siulittaasuat qinersinissamik nalunaarutiginnissinaavoq taamaalillunilu Inatsisartut atorunnaarsillugit.

## INATSISARTUNUT QINERSINEQ

Inatsisartut Kalaallit Nunaanni innuttaasunit qinerneqartarput. Aqutseriaaseq taanna "sinniisoqarluni oqartussaaqataaneramik" taaneqartarpoq. Minnerpaamik ukiut sisamakkaarlugit Inatsisartunut ilaasortassanik 31-iusunik qinersisoqartarpoq. Inatsisartunut ilaasortat nalinginnaasumik, toqqaannartumik, pituttugaangitsumik, naligiimmik isertuussillunilu qinersinikut qinerneqartarput.

Inatsisartunut qinigaasinnaassagaanni piumasaqaatit malittuaniittut naammassineqarsimassapput ("qinigaasinnaanerumut piumasaqaatinik" taaneqartartut):

- Qinigassanngortittoq nammineerluni qinersinnaatitaassaaq (taasa taasisinnaatitaassaaq).
- Qinigassanngortittoq nalinginnaasumik isigineqarnermi inatsisartunut ilaasortaannissamut naleqqukkunnaarsitsisumik pinerluuteqarsimasuussanngilaq ("nalinginnaasumik isigineqarnermut piumasaqaatit").

Qanoq nalinginnaasumik isigineqarnermut piumasaqaatit naammassineqartiginerat Qinigaanerup Misilinnegarneranur Ataatiiimiitaliap qinersinerup kingorna inassuteqareernergat Inatsisartunit aalajangerneqartarpoq.



Allagartarsuit qineqqusaarutit.

Inatsisartunut qinersinermi peqataaniaraanni qinersisartut allattorsimaffianni ilanngunneqarsimasariaqarpoq. Qinersisartut allattorsimaffiannut ilanngunneqarnissamut piumasqaatit makkuupput:

- Qinersisartoq danskisut innuttaassuseqassaaq.
- Qinersisartoq kingusinnerpaamik ullormi qinersiffissami 18-inik ukioqalereersimassaaq.
- Qinersisartoq ullormi qinersiffissami Kalaallit Nunaanni aalajangersimasumik najugaqartuussaaq aammalu ulloq qinersiffissaq sioqqullugu Kalaallit Nunaanni sivikinnerpaamik qaamatini arfinilinni aalajangersimasumik najugaqartuussaalluni.
- Qinersisartoq nammineersinnaajunnaarsitaasimassanngilaq.

Qinersinerup inernerana naatsorsorneqaraangat partiit qingasannagortittullu tamarmik qinersisaat d'Hondtip periusia mallillugu kisinneqartarput (qanoq taaguunneqarneq najoqqutalarlugu agguataarineq).

Kalaallit Nunaat 1998-imiit qinersivinnut ataasiakkaanut agguataagaajunnaarsinneqarpoq. Taamaalluni nuna tamarmi qinersiviuvoq ataaseq, tamannalu qinersisinnaatitaanerup tamanut naligiimmik atuuttuutillugu periutsimut naapertuuppoq. Taamatut periuseqarnikkut Inatsisartunut ilaasortat najugarfik salliutillugu naalakkersuinnikkut suliaqartussaannngillat aammalu nunap immikkoortuini immikkut soqutigisanik erseqqissaateqarnatillu sinniisuuffeqassanatik Kalaallit Nunaannullu tamarmut pitsaanerpaasussaq sulissutigisussaallugu.

### Qinikkat agguataagaanerat

1979-imiit katillugu 13-eriarluni qinersisoqarsimavoq. Ulloq 24 april 2018-imi qinersineq kingornalu partiinut allanut nuuttoqartarnera tunngavigalugit qinikkat agguataagaanerat ima isikkoqarpoq:

Siumut	ilaasortat	10
Inuit Ataqtigiit	ilaasortat	8
Demokraatit	ilaasortat	6
Partii Naleraq	ilaasortat	3
Atassut	ilaasortat	2
Nunatta Qitornai	ilaasortat	1
Suleqatigiissitsisut	ilaasortat	1



*Inatsisartut inissitsiterfiusumik ulloq 15. maj 2018-imi ataatsimiinneranni Inatsisartunut ilaasortat qinigaarlaat.*

## PARTIIT

Partiit uku maannakkut Inatsisartunut ilaasortaataitaqarput:

### Atassut

Atassut 1978-imi partiit pilersinneqarpoq. Partii naalakkersuinnikkut eqqarsartaaseq mallillugu talerperlertut inissisimavoq, liberal-konservativiuilluni. Namminiilvinnissamut isuma pilernerani Atassut Naalagaaffeqatigiinnermut ataannarnissamik pingaartitsisutut siunnerfeqarluni aallartippoq. Atassut aallarteqqaarnerminili oqariartaaserivaa "Inuk Qitiutillugu", ilaqtariit, utoqqaat toqqissimasuunissaat pingaartuutillugu. Inuussutissarsiornermut namminersortunullu annertuumik sammilivilimmik tunaartaqarluni partii ingerlasuuvoq, inuiaallu imminnut napatissinnaanerulernissaannik sulissuteqartuutulluni.

## Demokraatit

Demokraatit partiiuvoq liberaliusoq, inuup sapinngisamik anertunerpaamik kiffaanngissuseqarnissaanik anguniagalik. Tamanna tunngavigalugu akileraarutit akitsuutillu appasinnerpaaffissaminiittariaqarput, taamaasillutik inuit suliffeqarfiillu aningaasaatik namminneq kiffaanngissuseqarfignerullugit atorsinnaangussammatigit. Isumaqarpugullu politikikkut sulineq isumaginnikkut ajornartorsiutinik aaqiiniarnissamut saatsinnerusariaqartoq, tassani ilinniartitaaneq ilinniarsimasuserlu qaffassarnerisigut suliffeqarfinnullu sinaakkutinik pitsaanusunik pilersitsinikkut.

## Inuit Ataqtigii

Inuit Ataqtigii siunertaraat Kalaallit Nunaata aningaasaqarnikkut aamma nunat tamat akornanni inuiaat inatsisaat naapertorlugit namminersulivinnissaa. Nunatta naalakkersuinikkut aningaasaqarnikkullu ineriartornera inuttut, inooqtigiiisutikkut avatangiisinullu tunngasutigut pijuarsinnaassuseqarumik ingerlanneqassaaq, kalaallilu kulturerput aallaavigisallugu. Inuiaqtigii inuiaqtigiiinnilu sullissiviit tamat oqartussaaqataaneranni tunngaviit pingaartitalu tunngavigalugit piorsarneqassapput, inuit pisinnaatitaaffii tamani atuuttut ataqqillugit. Qularnaarneqassaaq naleqartut inuiaqtigiiinni pilersinneqartut, inuiaqtigiiinnut tamanut iluaqutaanissaat. Ataqqeqatigiiinneq, naligiissuseq, assigiissuseq inooqtigiiisutsikkullu nammaqtigiiinneq partiip politikikkut suliaanun tunngaviupput.

## Nunatta Qitornai

Nunatta Qitornai partii marsimi 2018-imi Nuummi pilersinneqarpoq nunatta nammiliivinnissaa pillugu suliniaqtigiiiffik. Nunatta inuisalu kiffaanngissuseqarnissaat, pilluarneq aallaavigalugu siuariartornerlu nukigalugu ineriartortitsinissaq partiip ilisarnaatigaa. Nunatta nammiliivinnissaa anguniakkat pingaarnersaattut inissisimavoq. Sutigit tamatigit immiunut pilersorneq nunatta nammiliivinnissaanut aqutissatut Nunatta Qitornaasa oqariartuutigaat. Nunatta Qitornai politikikkut qeqqani talerpiup tungaani inissisimavoq, aammalu nunatsinni politikikkut suliniartut naaperiartinneqarnissaat suleqtigiiinnissaallu suliniutaavoq.

## Partii Naleraq

Partii Naleraq 2014-imi pilersinneqarpoq. Nunatta immitsinunut aallaavigaluta kalaallisut oqaatsit atorlugit naalagaaffingornissaa, kulturitsinnik kingornussatsinnillu pingaartitsilluta inuiaqtigiiittut ineriartortuarnissarput partiip siunertaraa; aningaasarsiornikkut immiunut napatinneq; ammasumik inuillu oqartussaaqataatillugit aqutsineq; pisuussutinik uumaatsunik atuineq paaanerlu kalaallinit peqataaffigineqarluni avatangiisillu mianeralugit ingerlanneqarnissaa; aamma inuiaqtigiiinni pissakinnerit naammaginarumik atugaqalernissaat sulissutigineqassaaq.

## Suleqtigiiisitsisut

Suleqtigiiisitsisut Kalaallit Nunaannut tunngatillugu takorluugaat: Ataatsimoorluta nakuuneruvugut. Suleqtigiiisitsisut naalakkersuinikkut siamasissumik isumaqtigiiisuteqarnikkut oqartussaaqataanermillu ataqqinnilluni naapertuilluarnissamik inuunerissaarnissamillu sulissutiginniarput.

## Siumut

Siumut partiit aallartippq 1977-imi. Siumup anguniarpaa naqisimaneqanngitsumik inuillu susassareqtigiiillutik ikioqtigiiillutillu ineriartornissaannik eqqarsartaatsip siammariartortinneqarnissaa akuerineqarnissaalu, partiip naalakkersuinikkut anguniagai tunngavigalugit, aningaasarsiornikkut piorsasimassutsikkut naalakkersuinikkullu soqutigisat tunngaviusumik anguniakkat isummiussallu aallaavigalugit.

*Partiit nassuiaatigineqarneri partiinit namminernit suliarineqarput.*





*Inatsisartut ukiaanerani ataatsimiinnerisa ulloq 3. oktober 2018-imi aallartinneranut atatillugu ingerlaaqatigiinneq.*

## INATSISARTUT IMA SULISARPUT

Inatsisartut aningaasaqarnermik (Nunatta Karsianik) tamakkiisumik aqutsisuunerat inatsisiliorsinnaatitaanerup nassataraa. Inatsisartut akuersisimatinnagit aningaasartuuteqartoqarsinnaanngilaq akileraarutininik akitsuutinillu akiliisitsisoqarsinnaanani.

Inatsisit Inatsisartunit akuersissutigineqartut inatsisinik tungaviusunik, Namminersorneq Pillugu Inatsimmik nunallu tamalaat akornanni isumaqatigiissutinik unioqqutitsissanngillat. Inatsisiliat aamma inatsisaareersunut ingerlatsilluarnissamillu tungaveqarnermut naapertuunniartussaapput.

### Ukioq suliffiusoq

Inatsisartut septembarimi tallimannornerit aappaat aallartifigalugu ukiumik ataatsimik sivissussilimmik sulisarput.

Inatsisartut ukiumut minnerpaamik marloriarlutik nalinginnaasumik ataatsimiittarput, ukiaanerani ataatsimiinneq kiisalu upernaakkut ataatsimiinneq. Ataatsimiinnerit nalinginnaasumik qaammatinik marlunnik pingasunilluunniit sivissussuseqarput. Pissutsilli immikkut ittut tamatumingga pisariaqalersitsippata Inatsisartut immikkut ittumik ataatsimiigiaqquneqarsinnaasarput.

Ataatsimiinnerit akornanni piffissaq naalakkersuinnakkut sulianik suliarninnermut ataatsimiinnissanullu aggersunut piareersaateqarnermut atorneqartarpoq. Ataatsimiitaliani sulineq ukioq kaajallallugu pisarpoq, tassa aamma Inatsisartut ataatsimiinnerisa avataatigut.

### Inatsisartut Siulittaasoqarfia

Qinersereernermi tamatumalu kingorna ukiut tamaasa ukiaanerani ataatsimiinnerup aallartinnerani Inatsisartut Siulittaasumik Siulittaasullu tulliiinik sisamanik, ataatsimoorlutik Inatsisartut Siulittaasoqarfissaannik qinersisarput. Siulittaasoqarfik Inatsisartut sinnerlugit avammut sammisumik sinniisuvoq, sulinerullu illersorneqarsinnaasumik piareersarnerqarneranik ingerlanneqarneranillu qulakkeerisuulluni.



*Inatsisartut Siulittaasoqarfia Siulittaasoq Vivian Motzfeldt qiterliulluni, november 2018.*

### Inatsisiliorneq

Inatsisartut ataatsimiinneranni malittuaniittut oqaluuserisasanut ilanngunneqarsinnaapput:

- **Inatsisissatut siunnersuutit**, Inatsisartunut ilaasortanit Naalakkersuisunilluunniit saqqummiunneqarsinnaasut. Inatsisissatut siunnersuutit inaarutaasumik akuersissutigineqannginnermini Inatsisartut ataatsimiittarfianni pingasoriarlutik oqaluuserineqaqqaartussaapput.
- **Aalajangiiffigisassatut siunnersuutit**, tassa siunnersuutit malittarisassanik atuuttunik allannguissamik suliniuteqarnissamik Naalakkersuisunut pisussaaffiliisut. Aalajangiiffigisassatut siunnersuutit Naalakkersuisunit namminernit imaluunniit Inatsisartunut ilaasortanit saqqummiunneqarsinnaapput inaarutaasumillu akuersissutigineqannginnermini Inatsisartut ataatsimiittarfianni marloriarlutik oqaluuserineqartussaallutik. Aamma danskit inatsisaannik imaluunniit nunat tamat akornanni isumaqatigiissutinik Kalaallit Nunaanut atuuttussanngortitsinissamut siunnersuutit aalajangiiffigisassatut siunnersuutit ilusilerlugit suliarineqartarput, taakkuli taamaallaat Naalakkersuisunit saqqummiunneqarsinnaapput.
- **Nassuiaatit**, isumaqatigiinniutigineqarnissaat, tassa Inatsisartut ataatsimiittarfianni oqaluuserineqarnissaat kissaatigalugu Naalakkersuisunit saqqummiunneqartarput. Nassuiaatit aatsaat pisuni immikkut ittuni isumaqatigiinniutigineqartarput.
- **Apeqquteqaat aallaavigalugu oqallisissiat**, inuiaqatigiinnut tunngasunik oqaluuserinninnissamik Naalakkersuisullu nassuiaateqarnissaannik piumasaqaateqarnissamik siunertaqartut. Apeqquteqaat aallaavigalugu oqallisissiat Inatsisartunut ilaasortanit saqqummiunneqarsinnaapput.

### Ataatsimiititaliani sulineq

Ataatsimiititaliani sulineq inatsisiliornermi aalajangiinarnermilu pingaaruteqarpoq. Ataatsimiititaliat tallimanik imaluunniit arfineq-marlunnik ilaasortaqartarput. Tassami inatsisissatut siunnersuutit Inatsisartunit ataatsimiititaliamut suliassanngorlugit innersuunneqartut misissornissaat inassuteqaateqarfiginissaallu ataatsimiititaliat pingaarnertut suliassaraat.

Tamatuma saniatigut ataatsimiititaliat suliassaqarfimmini pissutsinik malinnaasussaapput Naalakkersuisullu ingerlatsinerisa inatsisinut naapertuunnerannik nakkutiginnissallutik. Taamaallutik ataatsimiititaliat Naalakkersuisut suliassanik nakkutilliisuupput pingaarutillit.

### SULI PAASISAQARNERUJUMAGUIT

Inatsisartut nittartagaanni [inatsisartut.gl](http://inatsisartut.gl)-imi Kalaallit Nunaanni Inatsisartut pillugit itisiliiviusumik paasisstissanik pissarsinnaavutit. Tamatuma saniatigut ilaatigut Inatsisartut maannakut katitigaanerat, Siulittaasoqarfik kiisalu inatsisissatut- aalajangiiffigisassatullu siunnersuutit Inatsisartunit suliarineqarsimasut kingulliit imaluunniit ataatsimiinnermi tulfermi isummersorfigisassaat pillugit paasisstissat nassaarsinnaavutit.



*Inatsisartut (siusinnerusukket Landsrådit) siarngat. Georg Jensens Sølvsmiede, 1975. Kalaallit Nunaata sølvia.*



Postboks 1060 · 3900 Nuuk

[inatsisartut@inatsisartut.gl](mailto:inatsisartut@inatsisartut.gl) · [www.inatsisartut.gl](http://www.inatsisartut.gl)